



Aqqalu C. Jerimiassen

UPA 2022/120-1

Atassut

10. Maj 2022

Inatsisartut aalajangiiffigisassaattut siunnersuut, Inatsisartut Siulittaasoqarfiat peqquneqassasoq siunnersuummik saqqummiussissasoq, Naalakkersuinikkut partiit ingerlatsisut naatsorsuutaasa tamanut saqqummiunneqartarnerat pillugit Inatsisartut Inatsisaat allanngortinneqarnissaannik taamaasilluni partiimut 10.000 kr. sinnerlugu aningaasaliissuteqarsimanermi partiip naatsorsuutaanni kina aningaasaliissuteqarsimanersoq taamaallaat allaqqanani, kisiannili aamma aningaasaliissutit qanoq annertutigineri aamma allaqqasalerluni. Aningaasaliissutigineqarsinnaasullu killissarititaa avaqquneqarsinnaassanngilatataq inatsisitigut pisussaataasunit arlaliusunit avinneqarsimalluni.

(Inatsisartunut ilaasortaq Jens-Frederik Nielsen, Demokraatit)

Partiit aningaasaqarnerat maanna tamatsinnut nalinginnaasuunerpaangunarpoq, partiit ukiumut tapiissutaanit pissarsisarnikkut ingerlanneqartuusoq.

Nunattali avataanut qivialaariaraanni, takornartaaneq ajorpoq suliffeqarfiit qineqqusaartumut illersukkaminnut aningaasaliissuteqarlutik ussasaarinnerminni allaat ersertitsisarnerat.

Periuseq taanna suli nunatsinni inuiaqatigiit akornganni takornartaasoq taaneqarsinnaavoq, sulilu annerusumik atungaaneraniq qanimut tusartakkatsinnik erseqqissumik soqarani. Apeqqulli uanissaaq pinngortartoq tassaavoq, imaassinnaavoq tapiissuteqartoqartarnissaanik soqutiginnittoqartaraluartoq, inuiaqatigiilli akornganni suliffeqarfittut inuttulluunniit ataasiakkaatut tapiissuteqartarnek suli paquminakannersutut partiimulluunniit pituttortumik naqissuserneqarsinnaanerut aallaavilimmik tusarsaavallaanngitsoq.

Ukiunili aggersuni siunissaq eqqarsaatigalugu nunarsuup sinneranut pissutsinut nalimmakkiartuleralluttuinnarnermi, tamassuma atorneqaleriartuaarsinnaanissaanut erseqqissumik inatsiseqartariaqarnerput nalinginnaasuvoq maanna oqaluuserissallugu. Ammasuunissamimmi oqariartuuteqartarnek ukiuni kingullerni aatsaat taamak eqqartorneqartigaaq, oqaasiinnassanngippalu tamanna timitalerniarnissaanut tamatta suleqatigiittariaqarpugut.

Taamatullu naatsunnguamik Atassummiit oqaaseqaateqarluta, siunnersuut Suleriaaseq pillugu ataatsimiitsitaliamut innersuupparput.